



PERA DEMOCRACIA, ERA LIBERTAT E ERA CONVIVÈNCIA

“ARTURAM ETH PATAC”

19 DE MARÇ DE 2017. 12:00 ORES

PLAÇA D'URQUINAONA

Eth procés secessionista danhe grèvament era convivència, era democràcia e es nòstes libertats. Es independentistes pretenen qu'eth Parlament de Catalonha, eth Govèrn dera Generalitat, es ajuntaments, es deputacions e eth rèste d'institucions que contròtlen s'aluenhen dera legalitat entà convertir-les en estruments des sues intencions illegaus e illegitimes.

Non sonque desaubedissen era lei, senon tanben as jutges. Pretenen plaçar-se peth dessús de limits e contròtles. Damb arrogància e irresponsabilitat declaren que non compliràn era lei ne se someteràn as tribunaus; qu'imposaràn era sua voluntat a tot Catalonha e a toti es catalans e aboliràn era Constitucion entà unilateralment trincar er Estat de Dret. An hèt publiques es sues intencions. Ara sabem que s'agen d'enganhar ar Estat, apropiarse des nòstes donades personaus entà exigir-mos eth pagament d'impòsti e, ath delà, qu'elabòren listes d'afèctes e desafèctes entà purgar foncionaris, entà decidir qui se poderie quedar e qui aurie d'anar-se'n deth sòn “nau” Estat.

Ei ora de díder pro. Es ciutadans catalans auem estat fòrça pacients en tot perméter qu'es nacionalistes s'agen apropiat des nòstes institucions, substituït es banères que mos representen a toti (era banèra espanyòla, era senyera, era banèra europèa) per banères estelades; auem vist coma desaubedissen es ordes des tribunaus e coaccionen as qui demanen eth compliment des sentències. Auem assistit impotenti ara mauversacion des recorsi que son de toti entà per'mor de dedicar-les a fomentar era separacion, a trincar era convivència, a confrontar es catalans entre eri e damb eth conjunt des espanyòus.

Ara ei era ora de méter fin ad açò. Cau recuperar er Estat de Dret en Catalonha, ei de besonh qu'es administracions respècten era legalitat, qu'assumisquen es simbèus que son de toti, que non actuen dehòra deth marc des sues competències, que cessen enes activitats adreçadas a preparar era secession e que garantisquen qu'es drets de toti es catalans son protegidi.

Non podem tolerar que se hèsquen listes, que mos fichen, que tornem ath peyor des regims autoritaris.

Toti hèm responsable en aquest trabalh de recuperacion dera democràcia. Auem d'exigir as politics nacionalistes que tornen ath camin dera legalitat. Auem d'exigir as cargues publics e as institucions qu'actuen entà evitar es ilegalitats qu'an ja estat coheissades. E auem d'anar entàs tribunaus se cau hè'c.



Mès tanben cau anar entath carrèr. Auem de mostrar publicament eth nòste refús ath patac ara democracia que dejà ei anonciat e, ath madeish còp, auem de hèr evident qu'es qui aué, aci, reclamam eth respècte des drets tostemp auram era man estenuda entà recuperar era convivència entre toti es catalans.

Auem arthenhut èster ua societat democratica e liura e ara tòque tornar a lutar entà non pèrder aguestes libertats. Es que pretenen utilizar eth poder public entà per'mor de desafiar es nòrmes de convivència, es que negant eth dret de toti a veir reconheishudi es sòns drets, es qu'actuen ath marge dera lei entà contròtlar as ciutadans, es qui fomenten era confrontacion e cerquen era separacion son es qu'aué menacen era nòsta convivència.

Volem recuperar es nòstes institucions, era democracia, era nòsta libertat e enfortir era convivència.

Per tot açò, acompanya-mos eth pròpèu 19 de març. Demostraram qu'encara èm ua societat liure.

### **SOCIETAT CIVIL CATALANA**

Còrsega, 270

08008 Barcelona

T+34 936 243 237

[internacional@societatcivilcatalana.cat](mailto:internacional@societatcivilcatalana.cat)

[www.societatcivilcatalana.cat](http://www.societatcivilcatalana.cat)

